
ТОШЛОҚДА “ЯНГИ ЎЗБЕКИСТОННИНГ МАЪРИФАТЛИ ЁШЛАРИ” ШИОРИ ОСТИДА МАЪНАВИЙ-МАЪРИФИЙ ТАДБИР БЎЛИБ ЎТДИ

Тошлоқ туманидаги “Бесаранг” маҳалла фуқаролар йиғинида “Янги Ўзбекистоннинг маърифатли ёшлари” шиори остида маънавий-маърифий тадбир бўлиб ўтди. Вилоят ҳокимлиги, Маънавият ва маърифат маркази вилоят бўлими ҳамда туман ҳокимлиги ҳамкорлигида ташкил этилган тадбирда уюшмаган ёшлар, маҳалла аҳли иштирок этди.

Президент Шавкат Мирзиёев раислигида 11 апрель куни бўлиб ўтган ёшлар сиёсати соҳасидаги ишлар натижадорлигини ошириш чора-тадбирлари юзасидан видеоселектор йиғилишида ёшларни ҳар томонлама қўллаб-қувватлаш, уларнинг ўз салоҳиятини намоён қилиши учун зарур шароитлар яратиш борасида муҳим вазифалар белгилаб берилди.

Айни кунларда вилоятимизда бу борада “йўл харитаси” ишлаб чиқилиб, ижроси таъминланмоқда. Ёшларнинг бўш вақтларини мазмунли ташкил этишда турли фестиваллар, маънавий-маърифий тадбирлар ўтказилмоқда. “Бесаранг” маҳалла фуқаролар йиғинидаги 32-умумтаълим мактабида бўлиб ўтган мазкур анжуман ҳам ёшларнинг катта байрамига айланди.

Вилоят ҳокимининг ўринбосари Файзулло Қосимов, туман ҳокими Абдуқаҳҳор Жўрабоев Президентимизнинг ташаббуси асосида ёшлар билан ишлашда янги имкониятлар яратилаётганини таъкидлаб, бесаранглик ёшларни фаолликка чорлади. Таълим масканлари доимо ёшлар билан гавжум бўлишида турли тадбирларнинг ташкил этилиши муҳим аҳамият касб этиши қайд этилди.

Маҳалладаги уюшмаган ёшлар иштирокида “Заковат” интеллектуал ўйини, стритбол, футбол, стол тенниси шахмат бўйича спорт мусобақалари, китобхонлик кечаси ташкил этилди. Тўрт юздан зиёд аҳоли иштирокидаги маданий тадбир барчага завқу шавқ улашди. Тадбирда фаол иштирок этган жамоалар ва ёшлар эсдалик совғалари билан тақдирланди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2023-05-18 11:42:46